

Statens legemiddelverk
Postboks 6167 Etterstad
0602 OSLO

Dykkar ref:

Vår ref:
2017/275 - 2492/2017

Sakshandsamar:
Nina Carstens

Dato:
03.08.2017

Svar på høyring - Legemidler med risikominimeringstiltak ved utlevering i apotek (Farmasøytutlevering)

Sjukehusapoteka Vest HF (SAV) syner til høyringsdokument på Legemiddelverket sine nettsider og oversendt høyringsnotat om Legemiddel med risikominimeringstiltak ved utlevering i apotek og sender våre merknadar til framlegget her.

Føremål med framlegget er slik vi ser det å legge til rette for god fagleg rådgiving og rettleiing ved utlevering av utvalde legemiddel frå apotek. Dei aktuelle legemidla vil etter søknad frå produsent få vilkår om risikominimeringstiltak som del av sitt løyve til marknadsføring.

Sjukehusapoteka Vest stiller seg positiv til framlegg frå Statens Legemiddelverk om innføring av risikominimeringstiltak ved utlevering av reseptfrie legemiddel, og at kva informasjon som blir gitt og kven som skal utlevere legemiddelet kviler på risikovurderinga. Vi vil samstundes vektlegge at det for utlevering av legemiddel der stadfesting av rett indikasjon er sentralt og der viktig informasjon om rett bruk av legemiddelet skal gis må ansvar for gjennomføring ligge hos farmasøyt.

Slik vi forstår framlegget er det innehavar av marknadsføringsløyve som skal søke om endra utleveringsstatus for aktuelle legemiddel. Vi saknar diskusjon av ei løysing der forvaltninga i større grad legg heilskapelege føringar for kva grupper av legemiddel som skal kunne få endra utleveringsstatus. Slik framlegget no står er det risiko for ei fragmentarisk tilnærming, der økonomiske omsyn legg føringar for kva legemiddel(gruppar) som blir søkt overført til ny ordning.

Vennleg helsing

Nina Carstens
Fagsjef

